



Inatsisartunut ilaasortaq
Anthon Frederiksen, Partii Naleraq

Rubinit pillugit § 37 naapertorlugu apeqquteqaammut nr. 2016-266-imut akissuteqaat

13-12-2016
Sags nr. 2016-18097

Rubinit Kalaallit Nunaannit anninneqartut pillugit apeqqutit matuma kinguliani allassimasut, Inatsisartut suleriaasianni § 37 naapertorlugu saqqummiuppatit.

Postboks 930
3900 Nuuk
Tlf. (+299) 34 68 00
E-mail: mlsa@nanoq.gl
www.govmin.gl

Aallarniutigalugu eqqumaffigeqquneqassaaq apeqqutit matuma kingulianiittut arlallit siusinnerusukkut § 37-naapertorlugu apeqquteqaatinni 2015-131-imi, 2015-274-imi aamma 2016-233-imi, tamakkiisumik ilaannaasumilluunniit akissuteqarfineqareermata.

1. Rubinit nunatsinniit ukiorpassuarni annissuunneqarsimasut kia pingai? Akissut:

Namminersorlutik Oqartussat Kalaallit Nunaanni nunap iluani aatsitassanik atuinissamut paaanissamullu piginnittussaataapput. Aatsitassanut ikummatissanullu inatsit malillugu Naalackersuisut atugassarititaasut erseqqinnerusumik aalajangersarneqartut tunngavigalugit ingerlatseqatigiiffik misissueqqaarnissamut, aatsitassarsiorluni misissuinissamut imaluunniit aatsitassanik paaanissamut akuersissummik tunisinnaavaat.

Naalackersuisut True North Gems Greenland A/S-imut (TNGG) akuersissutinik arlalinnik tunniussippot, ilanngullugu ilaatigut korund-inik (rubinit, safir-it aamma ujaqqat rubinimik akoqartut) paaanissamut akuersissut. Akuersissutit tamarmik TNGG-imut tunniunneqartut maannakkut LNS Greenland Gems A/S-imit (LNSGG), akuersissutit malillugit pisinnaatitsissummik pigisaqartuulersumut nutaamut, tunniunneqarput.

Korund-it (rubinit, safir-it aamma ujaqqat rubinimik akoqartut), akuersissutit LNSGG-ip maannakkut pisinnaatitsissummik piginnittuuffiisa ataanni siusinnerusukkut Kalaallit Nunaanni anninneqareersimasut LNSGG-imit pigineqarput.

Taamaattoq LNSGG maannakkorpiaq korund-inut anninneqareersunut tamakkiisumik atuisinnaatitaanngilaq. Tuniniaanissamut pilersaarummik Naalackersuisunit akuersineqarsimasumik peqartinnagu, LNSGG korund-inik tuniniaaqqusaanngilaq. Korund-it isumannaatsumik uninngasuutigineqassasut, taamatullu Namminersorlutik Oqartussat korund-it anninneqarsimasut sumiiffimminniinnerat qulakkeerniarlugu

misissuiartorlutik takusaanissamut tamatigut periarfissaqartuaannarnissaat, peqatigisaanik piunasaqaataavoq.

Tuniniaanissamut pilersaarut Naalakkersuisut akuerisimappassuk, LNSGG-ip akuersissummi akuersissuteqarnilu Naalakkersuisunit tunniunneqarsimasuni, ilanngullugu Naalakkersuisut tuniniaanissamut pilersaarummik akuersissuteqarnerat, tamanna pillugu atugassarititaasunut naapertuuttumik, korund-it allanut tunisinnaavai. Tunisinermi isertitat LNSGG-imut tutsinneqassapput. LNSGG aatsitassanut ikummatissanullu inatsimmut tamannalu pillugu akuersissutini atugassarititaasunut aamma akuersissuteqarnut ilaalu ilanngullugit, Naalakkersuisunit tunniunneqartunut, naapertuuttumik tunisinermit isertitanit royalty-mik aamma akileraarutinik akiliissaaq.

2. Maannamut rubinit annissukat qanoq kg-ingorlugit/tons-inngorlugit annertussuseqalerpat?

Akissut:

Korund-it silisat 15.365 karat (korund-it silisat 3 kg missaannik annertussusillit), korund-it suliarineqanngitsut 300 kg. missaat aamma ujaqqat korund-inik akullit 1.400 kg. missaat, nunani allani uninngasuutigineqarput.

3. Rubinit apeqqut 1-imi 2-imilu taaneqartut qaqugu nalilersorneqassappat?

Akissut:

§ 37 naapertorlugu apeqqutitut 2015-274-imut aamma 2016-233-imut akissuteqaammi aamma paasissutissiisutigineqartut, korund-it nunani allani uninngasuutigineqartut nalilersorneqarnerat ingerlanneqanngilaq.

Korund-it pitsaassutsinut makkununga agguarneqartarput, nalitunerpaanit aallartittumik: "gem", "near-gem" aamma "non-gem". Kingulleq naleqanngingajappoq aammalu korund-init nunani allani uninngasuutigineqartunit annertunersaalluni.

Korund-inut nunarsuarmi niuerfinni akigititamik atuutsitsisoqanngilaq aammalu taamaallaat korund-it silisat nunanit Kalaallit Nunaannit allaanerusunit allaneersut akiinut nalilersuisoqarsimavoq. Taamaattumik Aatsitassanut Ikummatissanullu Naalakkersuisoqarfiup korund-it tunineqarnissaat sioqqullugu immikkoortitemeqareerneranni misissuinerimi immikkoortiterinini aammalu missiliuilluni nalinginik aalajangersaanini ingerlattartussaavaa, tamannalu sulii pisariaqarsimannngilaq.

4. Rubinit nunatsinnut utertinneqarnissaat qulakkeerneqarsimavaa?

Akissut:

Siusinnerusukkat pisinnaatitsissummik pigisaqartuusoq TNGG akiliisinnaajunnaartutut nalunaarutigineqarmat, korund-it LNSGG-imut nuutinneqarnissaat siunertaralugu, Aatsitassanut Ikummatissanullu Naalakkersuisoqarfiup eqqartuussissuserisut pigisanik isumaginnittuusut aamma LNSGG oqaloqatigalugu aallartippoq.

Akuersissutip nalingata isumaginissaa LNSGG-ip akisussaaffigaa, taamaalillunilu LNSGG-ip rubinik utertitsinissamut atatillugu isumaqatigiissutitigut suliaqarnikkullu suliaassat suliarisussaavai.

Aatsitassanut Ikummatissanullu Naalackersuisoqarfiup tamatuma saniatigut eqqartuussissuserisut pigisanik isumaginnittuusut aamma LNSGG nalunaarfigai, Nuummut avammut annissinissaq sioqqullugu korund-inut toqqorsivimmi naatsorsuilluni naligiissaarinissamut, Vancouver-imi siunnersortimi atornissaa Aatsitassanut Ikummatissanullu Naalackersuisoqarfiup kissaatigigaa, aammalu Aatsitassanut Ikummatissanullu Naalackersuisoqarfiup avammut annissinermut suleriaatsit akuersissuteqarfigisussaagai.

Korund-it TNG Inc.-imit LNSGG-imut tunniunneqarnissaasa qulakkeerneqarnissaa siunertaralugu, eqqartuussissuserisut pigisanik isumaginnittuusut aamma LNSGG-ip oqaloqatigineri Aatsitassanut Ikummatissanullu Naalackersuisoqarfiup suli ingerlappai. Korund-it uninngasuutigineqartut LNSGG-imut tunniunneqarnissaat aammalu Kalaallit Nunaannut assartuussinissaq pillugit piumasaaqatit suleriaatsillu inaarutaasut suli isumaqatiginninniutigineqarput.

- 5. Apeqqutini qulaani taaneqartuni rubinit annissuunneqarnerannut atatillugu nunatta taakkununga piginnittuonera qulakkeerneqarsimavaa?**

Akissut:

Apeqqummut nr. 1-imut akissuteqaat inussiarnersumik takuuk.

- 6. Rubinit qulaani taaneqartut rubinit utertinneqarnissaat Naalackersuisunit piumasarineqarsinnaavaa?**

Akissut:

Apeqqummut 4-imut akissuteqaat takuuk.

Inussiarnersumik inuulluaqqusillunga

Múte Borup Egede